

पंचकल्याणक-मंगलपाठ

Pañcakalyāṇaka - Maṅgalapāṭha

कविश्री रूपचंद

Kaviśrī Rūpacanda

(प्रतिदिन अवकाश न हो तो जिस कल्याणक का दिवस हो, उसका पाठ करें।)
(Pratidina avakāśa na hō tō jisa kalyāṇaka kā divasa hō, usakā pāṭha karēm.)

पणविवि पंच परमगुरु गुरु जिनशासनो ।
सकल सिद्धिदातार सुविघन विनाशनो ॥
शारद अरु गुरु गौतम सुमति-प्रकाशनो ।
मंगल कर चउ संघहि पाप-पणासनो ॥

Paṇavivi pañca paramaguru guru jinaśāsanō ।
Sakala sid'dhidātāra suvighana vināsanō ॥
Śārada aru guru gautama sumati – prakāśanō ।
Maṅgala kara ca'u saṅghahi pāpa - paṇāsanō ॥

पापहिं पणासन गुणहिं गरुआ दोष अष्टादश रहिउ ।
धरि ध्यान करम विनासि केवलज्ञान अविचल जिन लहिउ ॥
प्रभु पंचकल्याणक विराजित सकल सुर नर ध्यावहीं ।
त्रैलोक्यनाथ सुदेव जिनवर जगत मंगल गावहीं ॥१॥

Pāpahim paṇāsana guṇahim garu'ā dōṣa aṣṭādaśa rahi'u ।
Dhari dhyāna karama vināsi kēvalajñāna avicala jina lahi'u ॥
Prabhu pañcakalyāṇaka virājita sakala sura nara dhyāvahim ।
Trailōkyanātha sudēva jinavara jagata maṅgala gāvahim ॥1॥

गर्भ कल्याणक

जाके गरभ-कल्याणक धनपति आइयो ।
अवधिज्ञान परवान सु इंद्र पठाइयो ॥
रचि नव बारह जोजन नयरि सुहावनी ।
कनक-रयण-मणि-मंडित मंदिर अति बनी ॥

Garbha Kalyāṇaka

Jākē garabha - kalyāṇaka dhanapati ā'iyō ।
Avadhijñāna paravāna su indra paṭhā'iyō ॥
Raci nava bāraha jōjana nayari suhāvanī ।
Kanaka - rayāṇa - maṇi - maṇḍita mandira ati banī ॥

अति बनी पौरि पगारि परिखा भवन उपवन सोहये ।
 नर-नारि सुन्दर चतुर भेख सु देख जन-मन मोहये ॥
 तहाँ जनकगृह छहमास प्रथमहिं रतन-धारा बरसियो ।
 पुनि रुचिकवासिनि जननि-सेवा करहिं सबविधि हरसियो ॥२॥

Ati banī pauri pagāri parikhā bhavana upavana sōhayē |

Nara - nāri sundara catura bhēkha su dēkha jana - mana mōhayē ||
 Tahāṁ janakagrha chahamāsa prathamahirṁ ratana - dhārā barasiyō |
 Puni rucikavāsini janani - sēvā karahirṁ sabavidhi harasiyō ||2||

सुरकुंजर-सम कुंजर^१ धवल धुरंधरो^२ ।
 केहरि^३-केशर-शोभित नख-शिख सुन्दरो ॥
 कमला-कलश-न्हवन^४ दुइ दाम^५ सुहावनी ।
 रवि^६ ससि-मंडल^७ मधुर मीन-जुग^८ पावनी ॥
 पावनि कनक-घट-जुगम^९ पूरण कमल-कलित सरोवरो^{१०} ।
 कल्लोल-माला-कुलित सागर^{११} सिंहपीठ^{१२} मनोहरो ॥
 रमणीक अमरविमान^{१३} फणिपति-भवन^{१४} रवि छवि छाजई ।
 रुचि रतनरासि^{१५} दिपंत-दहन सु तेजपुंज^{१६} विराजई ॥३॥
 Surakuñjara - sama kuñjara¹ dhavala dhurandharō² |
 Kēhari³ - kēśara - śōbhita nakha - śikha sundarō ||
 Kamalā - kalaśa - nhavana⁴ du'i dāma⁵ suhāvanī |
 Ravi⁶ sasi - maṇḍala⁷ madhura mīna - juga⁸ pāvanī ||
 Pāvani kanaka - ghaṭa - jugama⁹ pūraṇa kamala - kalita sarōvarō¹⁰ |
 Kallōla - mālā - kulita sāgara¹¹ sinhapīṭha¹² manōharō ||
 Ramaṇīka amaravimāna¹³ phaṇipati - bhavana¹⁴ ravi chavi chājar'I |
 Ruci ratanarāsi¹⁵ dipanta - dahana su tējapuñja¹⁶ virājar'i ||3||

ये सखि सोलह सुपने सूती सयन ही ।
 देखे माय मनोहर पच्छिम रयन ही ॥
 उठि प्रभात पिय पूछियो अवधि प्रकाशियो ।
 त्रिभुवनपति सुत होसी फल तिहँ भासियो ॥
 भासियो फल तिहँ चिंत दम्पति परम आनंदित भये ।
 छहमास परि नवमास पुनि तहँ रैन दिन सुखसों गये ॥
 गर्भावतार महंत महिमा सुनत सब सुख पावहीं ।

भणि 'रूपचंद' सुदेव जिनवर जगत-मंगल गावहीं ॥४॥

Yē sakhi sōlaha supanē sūfī sayana hī |
 Dēkhē māya manōhara pacchima rayana hī ||
 Uṭhi prabhāta piya pūchiyō avadhi prakāśiyō |
 Tribhuvanapati suta hōsī phala tiham̃ bhāsiyō ||
 Bhāsiyō phala tihim̃ cinta dampati parama ānandita bhayē |
 Chahamāsa pari navamāsa puni taham̃ raina dina sukhasōm̃ gayē ||
 Garbhāvatāra mahanta mahimā sunata saba sukha pāvahim̃ |
 Bhaṇi' rūpacanda' sudēva jinavara jagata - maṅgala gāvahim̃ ॥4॥

जन्म कल्याणक

मति-श्रुत-अवधि-विराजित जिन जब जनमियो |
 तिहुँलोक भयो छोभित सुरगन भरमियो ||
 कल्पवासि-घर घंट अनाहद बज्जिया |
 जोतिष-घर हरिनाद सहज गल-गज्जिया ||
 गज्जिया सहजहिं संख भावन-भवन शब्द सुहावने |
 विंतर-निलय पटु पटह बज्जहिं कहत महिमा क्यो बने ||
 कंपित सुरासन अवधिबल जिन-जनम निहचै जानियो |
 धनराज तब गजराज मायामयी निरमय अनियो ॥५॥

Janma Kalyāṇaka

Mati - śruta - avadhi - virājita jina jaba janamiyō |
 Tihum̃lōka bhayō chōbhita suragana bharamiyō ||
 Kalpavāsi - ghara ghaṇṭa anāhada bajjiyā |
 Jōtiṣa - ghara harināda sahaja gala – gajjiyā ||
 Gajjiyā sahajahim̃ saṅkha bhāvana - bhavana śabda suhāvanē |
 Vintara - nilaya paṭu paṭaha bajjahim̃ kahata mahimā kyōm̃ banē ||
 Kampita surāsana avadhibala jina - janama nihacai jāniyō |
 Dhanarāja taba gajarāja māyāmayī niramaya āniyō ॥5॥

जोजन लाख गयंद वदन सौ निरमये |
 वदन वदन वसु दंत दंत सर संठये ||
 सर-सर सौ-पनवीस कमलिनी छाजहीं |
 कमलिनि कमलिनि कमल-पचीस विराजहीं ||
 राजहीं कमलिनि कमलऽठोतर सौ मनोहर दल बने |
 दल दलहिं अपछर नटहिं नवरस हाव भाव सुहावने ||
 मणि कनक किंकणि वर विचित्र सु अमर मण्डप सोहये |

घन घंट चँवर धुजा पताका देखि त्रिभुवन मोहये ॥६॥
 Jōjana lākha gayanda vadana sau niramayē |
 Vadana vadana vasu danta danta sara saṅṭhayē ||
 Sara, sara sau - panavīsa kamalinī chājahīrṁ |
 Kamalini kamalini kamala - pacīsa virājahīrṁ ||
 Rājahīrṁ kamalini kamalaṭhōtara sau manōhara dala banē |
 Dala dalahīrṁ apachara naṭahīrṁ navarasa hāva bhāva suhāvanē |
 Maṇi kanaka kiṅkaṇi vara vicitra su amara maṇḍapa sōhayē |
 Ghana ghaṅṭa caṁvara dhujā patākā dēkhi tribhuvana mōhayē ||6||

तिहिं करि हरि चढ़ि आयउ सुर परिवारियो ।
 पुरहिं प्रदच्छन दे त्रय जिन जयकारियो ॥
 गुपत जाय जिन-जननिहिं सुख निद्रा रची ।
 मायामयि सिसु राखि तौ जिन आन्यो शची ॥
 आन्यो सची जिनरूप निरखत नयन-तृपति न हूजिये ।
 तब परम हरषित-हृदय हरि ने, सहस लोचन कीजिये ॥
 पुनि करि प्रणाम जु प्रथम इन्द्र, उछंग धरि प्रभु लीनऊ ।
 ईशान इन्द्र सु चंद्र छवि सिर, छत्र प्रभु के दीनऊ ॥७॥
 Tihīrṁ kari hari caṅṭhi āya'u sura parivāriyō |
 Puraḥīrṁ pradacchana dē traya jina jayakāriyō ||
 Gupata jāya jina - jananihīrṁ sukha nidrā racī |
 Māyāmayi sisu rākhi tau jina ān'yō śacī ||
 Ān'yō sacī jinarūpa nirakhata nayana - ṭṛpati na hūjiyē |
 Taba parama haraṣita - ḥṛdaya hari nē, sahasa lōcana kījiyē ||
 Puni kari praṇāma ju prathama indra, uchaṅga dhari prabhu līna'ū |
 R'īśāna indra su candra chavi sira, chatra prabhu kē dīna'ū ||7||

सनतकुमार माहेन्द्र चमर दुइ ढारही ।
 सेस सक्र जयकार सबद उच्चारही ॥
 उच्छव-सहित चतुर विधि सुर हरषित भये ।
 जोजन सहस निन्यानवे गगन उलंघि गये ॥
 लंघि गये सुरगिरि जहाँ पांडुक-वन विचित्र विराजहीं ।
 पांडुक-शिला तहँ अर्द्धचंद्र समान मणि-छवि छाजहीं ॥
 जोजन पचास विशाल दुगुणायाम, वसु ऊँची गनी ।
 वर अष्ट - मंगल कनक - कलशनि, सिंहपीठ सुहावनी ॥८॥

Sanatakumāra māhēndra camara du'i dhārahī |
 Sēsa sakra jayakāra sabada uccārahī ||
 Ucchava - sahita catura vidhi sura haraṣita bhayē |
 Jōjana sahāsa nin'yānavē gagana ulaṅghi gayē ||
 Laṅghi gayē suragiri jahām̃ pāṅḍuka - vana vicitra virājahīm̃ |
 Pāṅḍuka - śilā taham̃ ard'dhacandra samāna maṇi - chavi chājahīm̃ ||
 Jōjana pacāsa viśāla duguṅāyāma, vasu ūm̃cī ganī |
 Vara aṣṭa - maṅgala kanaka - kalaśani, sinhapiṭha suhāvanī ||8||

रचि मणिमंडप सोभित मध्य सिंहासनो |
 थाप्यो पूरब-मुख तहँ प्रभु कमलासनो ||
 बाजहिं ताल मृदंग वेणु वीणा घने |
 दुंदुभि प्रमुख मधुर-धुनि अवर जु बाजने ||
 बाजने बाजहिं सची सब मिलि धवल मंगल गावहीं |
 पुनि करहिं नृत्य सुरांगना सब देव कौतुक धावहीं ||
 भरि छीरसागर जल जु हाथहिं हाथ सुरगन ल्यावहीं |
 सौधर्म अरु ईशान इन्द्र सु कलस ले प्रभु न्हावहीं ||९||
 Raci maṇimaṅḍapa sōbhita madhya sinhāsanō |
 Thāpyō pūraba - mukha taham̃ prabhu kamalāsanō ||
 Bājahim̃ tāla mṛdaṅga vēṇu vīṇā ghanē |
 Dundubhi pramukha madhura - dhuni avara ju bājanē ||
 Bājanē bājahim̃ sacī saba mili dhavala maṅgala gāvahīm̃ |
 Puni karahim̃ nṛtya surāṅganā saba dēva kautuka dhāvahīm̃ ||
 Bhari chīrasāgara jala ju hāthahim̃ hātha suragana lyāvahīm̃ |
 Saudharma aru rīśāna indra su kalasa lē prabhu nhāvahīm̃ ||9||

वदन उदर अवगाह कलस-गत जानियो |
 एक चार वसु जोजन मान प्रमानियो ||
 सहस-अठोतर कलसा प्रभु के सिर ढरइँ |
 पुनि सिंगार प्रमुख आचार सबै करइँ ||
 करि प्रगट प्रभु महिमा महोच्छव आनि पुनि मातहिं दये |
 धनपतिहिं सेवा राखि सुरपति आप सुरलोकहिं गये ||
 जन्माभिषेक महंत-महिमा सुनत सब सुख पावहीं |
 भणि 'रूपचंद' सुदेव जिनवर जगत मंगल गावहीं ||१०||
 Vadana udara avagāha kalasa - gata jāniyō |
 Ēka cāra vasu jōjana māna pramāniyō ||

Sahasa - aṭhōtara kalasā prabhu kē sira ḍhara'imṅ |
 Puni siṅgāra pramukha ācāra sabai kara'imṅ ||
 Kari pragaṭa prabhu mahimā mahōcchava āni puni mātahirṅ dayē |
 Dhanapatihirṅ sēvā rākhi surapati āpa suralōkahirṅ gayē ||
 Janmābhiṣēka mahanta - mahimā sunata saba sukha pāvahirṅ |
 Bhaṇi' rūpacanda' sudēva jinavara jagata maṅgala gāvahirṅ ||10||

तप कल्याणक

श्रम-जल-रहित सरीर सदा सब मल-रहित |
 छीर-वरन वर रुधिर प्रथम आकृति लहित ||
 प्रथम सार संहनन सरूप विराजहीं |
 सहज सुगंध सुलच्छन मंडित छाजहीं ||
 छाजहीं अतुल बल परम प्रिय हित मधुर वचन सुहावने |
 दस सहज अतिशय सुभग मूर्ति बाललील कहावने ||
 आबाल काल त्रिलोकपति मन-रुचिर उचित जु नित नये |
 अमरोपनीत पुनीत अनुपम सकल भोग विभोगये ||११||

Tapa Kalyāṇaka

Śrama - jala - rahita sarīra sadā saba mala - rahi'u |
 Chīra - varana vara rudhira prathama ākṛti lahi'u ||
 Prathama sāra sanhanana sarūpa virājahirṅ |
 Sahaja sugandha sulacchana maṅḍita chājahirṅ ||
 Chājahirṅ atula bala parama priya hita madhura vacana suhāvanē |
 Dasa sahaja atīśaya subhaga mūrati bālalīla kahāvanē ||
 Ābāla kāla trilōkapati mana - rucira ucita ju nita nayē |
 Amarōpanīta punīta anupama sakala bhōga vibhōgayē ||11||

भव तन भोग विरत्त कदाचित् चित्तए |
 धन जौबन पिय पुत्त कलत्त अनित्त ए ||
 कोउ न सरन मरनदिन दुख चहुँगति भर्यो |
 सुख दुख एकहि भोगत जिय विधि-वसि पर्यो ||
 पर्यो विधि-वस आन चेतन आन जड़ जु कलेवरो |
 तन असुचि परतैं होय आसव परिहरेतैं संवरो ||
 निरजरा तपबल होय समकित बिन सदा त्रिभुवन भ्रम्यो |
 दुर्लभ विवेक बिना न कबहूँ परम धरम विषै रम्यो ||१२||

Bhava tana bhōga viratta kadācit citta'ē |
 Dhana jaubana piya putta kalatta anitta ē ||

Kō'u na sarana maranadina dukha cahumṅgati bharyō |
 Sukha dukha ēkahi bhōgata jiya vidhi - vasi paryō ||
 Paryō vidhi - vasa āna cētana āna jaṛa ju kalēvarō |
 Tana asuci parataim hōya āsrava pariharētaim sanvarō ||
 Nirajarā tapabala hōya samakita bina sadā tribhuvana bhramyō |
 Durlabha vivēka binā na kabahūṁ parama dharama viṣai ramyō ||12||

ये प्रभु बारह पावन भावन भाइया |
 लौकांतिक वर देव नियोगी आइया ||
 कुसुमांजलि दे चरन कमल सिर नाइया |
 स्वयंबुद्ध प्रभु थुतिकर तिन समुझाइया ||
 समुझाय प्रभु को गये निजपुर पुनि महोच्छव हरि कियो |
 रुचि रुचिर चित्र-विचित्र सिविका कर सुनंदन वन लियो ||
 तहँ पंचमुढी लोंच कीनों प्रथम सिद्धनि थुति करी |
 मंडिय महाव्रत पंच दुद्धर सकल परिग्रह परिहरी ||१३||

Yē prabhu bāraha pāvana bhāvana bhā'iyā |
 Laukāntika vara dēva niyōgī ā'iyā ||
 Kusumāñjali dē carana kamala sira nā'iyā |
 Svayambud'dha prabhu thutikara tina samujhā'iyā ||
 Samujhāya prabhu kō gayē nijapura puni mahōcchava hari kiyō |
 Ruci rucira citra - vicitra sivikā kara sunandana vana liyō ||
 Tahaṁ pañcamuṭṭhī lōñca kīnōṁ prathama sid'dhani thuti karī |
 Maṇḍiya mahāvraṭa pañca dud'dhara sakala parigraha pariharī ||13||

मणि-मय-भाजन केश परिद्धिय सुरपती |
 छीर-समुद्र-जल खिप करि गयो अमरावती ||
 तप-संयम-बल प्रभु को मनपरजय भयो |
 मौन-सहित तप करत काल कछु तहँ गयो ||
 गयो कुछ तहँ काल तपबल रिद्धि वसुविधि सिद्धिया |
 जसु धर्मध्यानबलेन खय गय सप्त प्रकृति प्रसिद्धिया ||
 खिपि सातवें गुण जतन बिन तहँ तीन प्रकृति जु बुधि बड़ि |
 करि करण तीन प्रथम सुकलबल खिपकसेनी प्रभु चड़ि ||१४||

Maṇi - maya - bhājana kēśa pariṭṭhiya surapatī |
 Chīra - samudra - jala khipa kari gayō amarāvātī ||
 Tapa - sanyama - bala prabhu kō manaparajaya bhayō |

Mauna - sahita tapa karata kāla kachu tahaṁ gayō ||
 Gayō kucha tahaṁ kāla tapabala rid'dhi vasuvidhi sid'dhiyā |
 Jasu dharmadhyānabalēna khaya gaya sapta prakṛti prasid'dhiyā ||
 Khipi sātavēṁ guṇa jatana bina tahaṁ tīna prakṛti ju budhi baṛhi'u |
 Kari karaṇa tīna prathama sukalabala khipakasēnī prabhu caṛhi'u ||14||

प्रकृति छतीस नवें गुणथान विनासिया ।
 दसवें सूच्छम लोभ प्रकृति तहँ नासिया ॥
 सुकल-ध्यानपद दूजो पुनि प्रभु पूरियो ।
 बारहवे गुण सोलह प्रकृति जु चूरियो ॥
 चूरियो त्रेसठ प्रकृति इह विधि घातिया-करमनि तणी ।
 तप कियो ध्यानपर्यन्त बारह बिधि त्रिलोक-सिरोमणी ॥
 निःक्रमण-कल्याणक सुमहिमा सुनत सब सुख पावहीं ।
 भणि 'रूपचंद' सुदेव जिनवर जगत मंगल गावहीं ॥१५॥

Prakṛti chaṭīsa navēṁ guṇathāna vināsiyā |
 Dasavēṁ sūchama lōbha prakṛti tahaṁ nāsiyā ||
 Sukala - dhyānapada dūjō puni prabhu pūriyō |
 Bārahavē guṇa sōlaha prakṛti ju cūriyō ||
 Cūriyō trēsathā prakṛti iha vidhi ghātiyā - karamani taṇī |
 Tapa kiyō dhyānaparyanta bāraha bidhi trilōka - sirōmaṇī ||
 Ni: Kramaṇa - kalyāṇaka sumahimā sunata saba sukha pāvahīṁ |
 Bhaṇī' rūpacanda' sudēva jinavara jagata maṅgala gāvahīṁ ||15||

ज्ञान कल्याणक

तेरहवें गुणथान सयोगि जिनेसुरो ।
 अनंत-चतुष्टय-मंडित भयो परमेशुरो ॥
 समवसरन तब धनपति बहुविधि निरमयो ।
 आगम-जुगति प्रमान गगनतल परिठयो ॥
 परिठयो चित्र-विचित्र मणिमय सभामंडप सोहये ।
 तिहि मध्य बारह बने कोठे कनक सुर-नर मोहये ॥
 मुनि कलपवासिनि अरजिका पुनि ज्योति-भौमि-भवन-तिया ।
 पुनि भवन व्यंतर नभग सुर नर पसुनि कोठे बैठिया ॥१६॥

Jñāna Kalyāṇaka

Tērahavēṁ guṇathāna sayōgi jinēsuro |
 Ananta - catuṣṭaya - maṇḍita bhayō paramēsuro ||
 Samavasaraṇa taba dhanapati bahavidhi niramayō |

Āgama - jugati pramāna gaganatala pariṭhayō ||
 Pariṭhayō citra - vicitra maṇimaya sabhāmaṇḍapa sōhayē |
 Tihi madhya bāraha banē kōṭhē kanaka sura - nara mōhayē ||
 Muni kalapavāsini arajikā puni jyōti - bhaumi - bhavana – tiyā |
 Puni bhavana vyantara nabhaga sura nara pasuni kōṭhē baiṭhiyā ||16||

मध्य प्रदेश तीन मणि-पीठ तहाँ बने |
 गंध-कुटी सिंहासन कमल सुहावने ||
 तीन छत्र सिर सोहत त्रिभुवन मोहए |
 अंतरीच्छ कमलासन प्रभुतन सोहए ||
 सोहये चौंसठ चमर दुरत अशोकतरु तल छाजए |
 पुनि दिव्य-धुनि प्रति-सबद-जुत तहँ देव दुंदुभि बाजए ||
 सुरपुहुप-वृष्टि सुप्रभा-मंडल कोटि-रवि छवि छाजए |
 इमि अष्ट अनुपम प्रातिहारज वर विभूति विराजए ||१७||

Madhya pradēsa tīna maṇi - pīṭha tahāṁ banē |
 Gandha - kuṭī sinhāsana kamala suhāvanē ||
 Tīna chatra sira sōhata tribhuvana mōha'ē |
 Antarīccha kamalāsana prabhutana sōha'ē ||
 Sōhayē caunsaṭha camara ḍhurata aśōkataru tala chāja'ē |
 Puni divya - dhuni prati - sabada - juta tahāṁ dēva dundubhi bāja'ē ||
 Surapuhupa - vṛṣṭi suprabhā - maṇḍala kōṭi - ravi chavi chāja'ē |
 Imi aṣṭa anupama prātihāraja vara vibhūti virāja'ē ||17||

दुइसै जोजन मान सुभिच्छ चहूँ दिसी |
 गगनगमन अरु प्राणी-वध नहिं अह-निसी ||
 निरुपसर्ग निराहार सदा जगदीश ए |
 आनन चार चहुँदिसि सोभित दीसए ||
 दीसय असेस विसेस विद्या विभव वर ईसुरपना |
 कायाविवर्जित सुद्ध फटिक समान तन प्रभु का बना ||
 नहिं नयन-पलक-पतन कदाचित् केस नख सम छाजहीं |
 ये घातिया-छय-जनित अतिशय दस विचित्र विराजहीं ||१८||

Du'isai jōjana māna subhiccha cahūṁ disī |
 Gaganagamana aru prāṇī - vadha nahiraṁ aha – nisī ||
 Nirupasarga nirāhāra sadā jagadīśa ē |
 Ānana cāra cahumṁdisi sōbhita dīsa'ē ||

Dīsaya asēsa visēsa vidyā vibhava vara r'isurapanā |
 Kāyāvivarjīta sud'dha phaṭika samāna tana prabhu kā banā ||
 Nahiṁ nayana - palaka - patana kadācit kēsa nakha sama chājahīm |
 Yē ghātiyā - chaya - janīta atīśaya dasa vicitra virājahīm ||18||

सकल अरथमय मागधि-भाषा जानिए |
 सकल जीवगत मैत्री-भाव बखानिए ||
 सकल रितुज फल-फूल-वनस्पति मन हरै |
 दरपन सम मनि अवनि पवन-गति अनुसरै ||
 अनुसरै परमानंद सबको नारि नर जे सेवता |
 जोजन प्रमान धरा सुमार्जहिं जहाँ मारुत देवता ||
 पुन करहिं मेघकुमार गंधोदक सुवृष्टि सुहावनी |
 पद-कमल तर सुर खिपहिं कमल सु, धरणि-ससि-सोभा बनी ||१९||

Sakala arathamaya māgadhi - bhāṣā jāni'ē |
 Sakala jīvagata maitrī - bhāva bakhāni'ē ||
 Sakala rituja phala - phūla - vanaspati mana harai |
 Darapana sama mani avani pavana - gati anusarai ||
 Anusarai paramānanda sabakō nāri nara jē sēvatā |
 Jōjana pramāna dharā sumārjahīm jahāṁ māruta dēvatā ||
 Puna karahīm mēghakumāra gandhōdaka suvṛṣṭi suhāvanī |
 Pada - kamala tara sura khipahīm kamala su, dharāṇi - sasi - sōbhā banī ||19||

अमल गगनतल अरु दिसि तहँ अनुहारहीं |
 चतुर-निकाय देवगण जय जयकारहीं ||
 धर्मचक्र चलै आगैं रवि जहँ लाजहीं |
 पुनि भृंगारप्रमुख वसु मंगल राजहीं ||
 राजहीं चौदह चारु अतिशय देव रचित सुहावने |
 जिनराज केवलज्ञानमहिमा अवर कहत कहा बने ||
 तब इन्द्र आय कियो महोच्छव सभा सोभा अति बनी |
 धर्मोपदेश दियो तहाँ, उच्चरिय वानी जिनतनी ||२०||
 Amala gaganatala aru disī tahāṁ anuhārahīm |
 Catura - nikāya dēvagaṇa jaya jayakārahīm ||
 Dharmacakra calai āgairi ravi jahāṁ lājahīm |
 Puni bhṛṅgārapramukha vasu maṅgala rājahīm ||
 Rājahīm caudaha cāru atīśaya dēva racita suhāvanē |

Jinarāja kēvalajñānamahimā avara kahata kahā banē ||
 Taba indra āya kiyō mahōcchava sabhā sōbhā ati banī |
 Dharmōpadēśa diyō tahāñ, uccariya vānī jinatanī ||20||

क्षुधा तृषा अरु राग रोष असुहावने |
 जन्म जरा अरु मरण त्रिदोष भयावने ||
 रोग सोग भय विस्मय अरु निद्रा घनी |
 खेद स्वेद मद मोह अरति चिंता गनी ||
 गनिये अठारह दोष तिनकरि रहित देव निरंजनो |
 नव परम केवललब्धि मंडिय सिव-रमनि-मन रंजनो ||
 श्रीज्ञानकल्याणक सुमहिमा सुनत सब सुख पावहीं |
 भणि 'रूपचंद' सुदेव जिनवर जगत-मंगल गावहीं ||२१||

Kṣudhā tṛṣā aru rāga rōṣa asuhāvanē |
 Janma jarā aru maraṇa tridōṣa bhayāvanē ||
 Rōga sōga bhaya vismaya aru nidrā ghanī |
 Khēda svēda mada mōha arati cintā ganī ||
 Ganiyē aṭhāraha dōṣa tinakari rahita dēva nirañjanō |
 Nava parama kēvalalabdhi maṇḍiya siva - ramani - mana rañjanō ||
 Śrījñānakalyāṇaka sumahimā sunata saba sukha pāvahīm |
 Bhaṇi' rūpacanda' sudēva jinavara jagata - maṅgala gāvahīm ||21||

निर्वाण कल्याणक

केवल-दृष्टि चराचर देख्यो जारिसो |
 भव्यनि प्रति उपदेस्यो जिनवर तारिसो ||
 भवभय भीत भविक जन सरणै आइया |
 रत्नत्रय-लच्छन सिव-पंथ लगाइया ||
 लगाइया पंथ जु भव्य पुनि प्रभु, तृतीय सुकल जु पूरियो |
 तजि तेरवाँ गुणथान जोग, अजोगपथ पग धारियो ||
 पुनि चौदहें चौथे सुकल-बल बहत्तर तेरह हती |
 इमि घाति वसुविध-कर्म पहुँच्यो, समय में पंचम-गती ||२२||

Nirvāṇa Kalyāṇaka

Kēvala - dṛṣṭi carācara dēkhyō jārisō |
 Bhavyani prati upadēsyō jinavara tārisō ||

Bhavabhaya bhāta bhavika jana saraṇai ā'iyā |
 Ratnatraya - lacchana siva - pantha lagā'iyā ||
 Lagā'iyā pantha ju bhavya puni prabhu, ṭṛtiya sukala ju pūriyō |
 Taji tēravāṃ guṇathāna jōga, ajōgapatha paga dhāriyō ||
 Puni caudahēm cauthē sukala - bala bahattara tēraha haṭī |
 Imi ghāti vasuvidha - karma pahumcyō, samaya mēm pañcama – gaṭī ||22||

लोकसिखर तनुवात-वल्य महँ संठियो |
 धर्मद्रव्य बिन गमन न जिहिं आगे कियो ||
 मयनरहित मूषोदर अंबर जासो |
 किमपि हीन निज-तनुतें भयो प्रभु तारिसो ||
 तारिसो पर्जय नित्य अविचल अर्थ पर्जय छन छयी |
 निश्चय-नयेन अनंतगुण विवहार नय वसु गुणमयी ||
 वस्तु-स्वभाव विभाव विरहित सुद्ध परिणति परिणयो |
 चिद्रूप परमानंदमंदिर सिद्ध परमात्म भयो ||२३||
 Lōkasikhara tanuvāta - valaya maham̃ saṅṭhiyō |
 Dharmadravya bina gamana na jihim̃ āgē kiyō ||
 Mayanarahita mūṣōdara ambara jārisō |
 Kimapi hīna nija - tanutaim̃ bhayō prabhu tārisō ||
 Tārisō parjaya nitya avicala artha parjaya chana chayī |
 Niścaya - nayēna anantaguṇa vivahāra naya vasu guṇamayī ||
 Vastu - svabhāva vibhāva virahita sud'dha pariṇati pariṇayō |
 Cidrūpa paramānandamandira sid'dha paramātama bhayō ||23||

तनु-परमाणू दामिनि-वत सब खिर गए |
 रहे शेष नख-केशरूप जे परिणए ||
 तब हरिप्रमुख चतुर विधि सुरगण शुभ सच्यो |
 मायामयि नख-केशरहित जिन-तनु रच्यो ||
 रचि अगर-चंदन प्रमुख परिमल द्रव्य जिन जयकारियो |
 पदपतित अगनिकुमार मुकुटानल सुविध संस्कारियो ||
 निर्वाणकल्याणक सु महिमा, सुनत सब सुख पावहीं |
 भणि 'रूपचंद' सुदेव जिनवर जगत मंगल गावहीं ||२४||
 Tanu - paramāṇū dāmini - vata saba khira ga'e |
 Rahē śēṣa nakha - kēśarūpa jē pariṇa'e ||
 Taba haripramukha catura vidhi suragaṇa śubha sacyō |

Māyāmayi nakha - kēśarahita jina - tanu racyō ||
 Raci agara - candana pramukha parimala dravya jina jayakāriyō |
 Padapatita aganikumāra mukuṭānala suvidha sanskāriyō ||
 Nirvāṇakalyāṇaka su mahimā, sunata saba sukha pāvahīm |
 Bhaṇi' rūpacanda' sudēva jinavara jagata maṅgala gāvahīm ||24||

(पंचकल्याणकों की समुच्चय भावना)

(Pañcakalyāṇakon ki Sammuchay Bhavna)

मैं मतिहीन भगतिवस भावन भाइया |
 मंगल गीतप्रबंध सु जिनगुण गाइया ||
 जो नर सुनहिं बखानहिं सुर धरि गावहीं |
 मनवाँछित-फल सो नर निहचै पावहीं ||
 पावहीं आठों सिद्धि नव-निध मन प्रतीत जो लावहीं |
 भ्रमभाव छूटै सकल मन के निजस्वरूप लखावहीं ||
 पुनि हरहिं पातक टरिहिं विघन सु होंहिं मंगल नित नये |
 भणि 'रूपचंद' त्रिलोकपति जिनदेव चउ-संघहिं जये ||२५||
 Mairṁ matihīna bhagativasa bhāvana bhā'iyā |
 Maṅgala gītaprabandha su jinaguṇa gā'iyā ||
 Jō nara sunahim bakhānahim sura dhari gāvahim |
 Manavāṁchita - phala sō nara nihacai pāvahim ||
 Pāvahim āṭhōm sid'dhi nava - nidha mana pratīta jō lāvahim |
 Bhramabhāva chūṭai sakala mana kē nijasvarūpa lakhāvahim ||
 Puni harahim pātaka ṭarihim vighana su hōnhim maṅgala nita nayē |
 Bhaṇi' rūpacanda' trilōkapati jinadēva ca'u - saṅghahim jayē ||25||

* * * * *